

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KAN  
ZENICA

Broj: T04 0 KTPO 0046535 22  
Zenica, 17.08.2022. godine

**OPĆINSKOM SUDU U ZAVIDOVIĆIMA**  
*-Sudiji za prethodno saslušanje-*  
**ZAVIDOVIĆI**

Na osnovu člana 45. stav 2. tačka h) u vezi sa članom 241. i 350. Zakona o krivičnom postupku FBiH, **p o d i ž e m**

**O P T U Ž N I C U**

Protiv:

**1. Valjevac Mirsad**, rođen 1958. godine u Visokom,

**2. Trako Tarik**, rođen 1987. godine u Sarajevu,

Što je:

I. Valjevac Mirsad sam:

dana 14.02.2019. godine, u Zavidovićima, kao odgovorna osoba-direktor u firmi "MGV Gradnja" d.o.o. Zavidovići, u poslovnu ispravu unio neistinite podatke, a potom svojim potpisom i službenim pečatom "MGV Gradnja" d.o.o. Zavidovići ovjerio takvu poslovnu ispravu sa neistinitim sadržajem, na način da je svjesno sačinio Uvjerenje broj ...od 14.02.2019. godine, u koje je unio podatak da je Trako Tarik u periodu od 01.01.2018. godine pa do 31.12.2018. godine u firmi "MGV" d.o.o. Zavidovići obavio stručno osposobljavanje bez zasnivanja radnog odnosa na poslovima svoje struke, nakon sticanja visoke stručne spreme, stekao radno iskustvo utvrđeno kao uvjet za rad u svom zanimanju u ukupnom trajanju od jedne godine, iako je znao i bio svjestan da Trako Tarik u navedenom periodu nije bio na stručnom osposobljavanju u navedenoj firmi, jer je bio zaposlen na neodređeno radno vrijeme u Kazneno-popravnom zavodu poluotvorenog tipa Sarajevo, na poslovima zatvorski policajac-stražar, gdje mu je radni odnos prestao 31.08.2019. godine, što je i htio,

II. Trako Tarik sam:

Dana 21.02.2019. godine, nabavio lažnu javnu ispravu, a zatim je upotrijebio kao pravu na području grada Zenice, tako što je pribavio lažno Uvjerenje broj ... od 14.02.2019. godine, da je bio na stručnom osposobljavanju u firmi "MGV Gradnja" d.o.o. Zavidovići u periodu od 01.01.2018. godine do 31.12.2018. godine kojim dokazuje da ima radno iskustvo u trajanju od jedne godine na poslovima visoke stručne spreme zanimanja

bachelor općeg prava, isto predao uz prijavu na „javni konkurs“ Agenciji za državnu službu za popunu radnog mjesta državnog službenika u Kazneno-popravnom zavodu zatvorenog tipa Zenica na radno mjesto stručni saradnik-kriminolog gdje je traženo kao uslov radno iskustvo u trajanju od jedne godine dana, što je i učinio, iako je znao, da nije bio na stručnom osposobljavanju u navedenoj firmi na poslovima visoke stručne spreme u zanimanju bachelor općeg prava, da bi nakon provedene konkursne procedure kao prvorangirani Rješenjem broj 01-34-2949/19-2 od 28.06.2019. godine, postavljen na radno mjesto stručni saradnik-kriminolog u Sektoru za poslove osiguranja KPZ ZZT Zenica, što je i htio,

Čime je osumnjičeni Valjevac Mirsad počinio krivično djelo krivotvorenje službene isprave člana 389. stav 1. KZ F BiH, a Trako Tarik krivično djelo krivotvorenje isprave iz člana 373. stav 2. KZ F BiH.